



Broj: UP-1:04-21-419/23  
Goražde, 08.08.2023. godine

Na osnovu člana 124. Zakona o vodama („Službene novine Federacije BiH“, broj: 70/06) i članova 21. i 22. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20 i 63/22), Ministarstvo za privredu Bosansko-podrinjskog kantona Goražde daje slijedeće:

**OBAVJEŠTENJE**  
**o podnesenom zahtjevu za izdavanje Prethodne vodne saglasnosti**

Općina Foča FBiH podnijela je Ministarstvu za privredu Bosansko-podrinjskog kantona Goražde zahtjev za izdavanje prethodne vodne saglasnosti za izgradnju fekalne kanalizacione mreže dijela Ustikoline - Cvilin, općina Foča FBiH.

**Podaci o podnesenom zahtjevu:**

<b>Broj zahtjeva:</b>	UP-1:04-21-419/23 od 13.07.2023. godine
<b>Podnosilac zahtjeva:</b>	Općina Foča FBiH
<b>Lokalitet:</b>	Naselje Cvilin, Općina Foča FBiH
<b>Vrsta objekta/aktivnosti</b>	Objekti za zaštitu voda- Fekalna kanalizaciona mreža i uređaj za prečišćavanje otpadnih voda za naselje Cvilin

**Opis aktivnosti/objekta**

Općina Foča FBiH ima namjeru da u naselju Cvilin riješi pitanje prikupljanja i prečišćavanja sanitarno-fekalnih otpadnih voda, izgradnjom kanalizacione mreže i kapaciteta za prihvata i tretman otpadnih voda. Koncept rješavanja ovog problema je projektovanje i izgradnja kolektora ukupne dužine 8.264,90 m, koji će prikupiti sve sanitarno-fekalne otpadne vode sa tretiranog prostora i odvesti do lokacije gdje je predviđen uređaj za prečišćavanje otpadnih voda – tipski SBR uređaj, baziran na mehaničko-biološkom tretmanu otpadnih voda, kapaciteta 250 ekvivalentnih stanovnika.


Prečišćene otpadne vode će se, nakon tretmana, ispustiti u recipijent – rijeku Drinu.

Na mjestima promjena horizontalnih i vertikalnih uglova osovine kolektora, planirana je ugradnja vodonepropusnih revizionih okana - šahtova, prečnika DN1000, na maksimalnom razmaku od 50 m.

**NAPOMENA:** Investitor je uz zahtjev priložio Glavni projekat fekalne kanalizacione mreže dijela Ustikoline - Cvilin, općina Foča FBiH, urađen od strane "Ipsa institut" d.o.o. Sarajevo, jula 2017. godine, koji zainteresovana lica mogu dobiti na uvid u Ministarstvu za privredu Bosansko-podrinjskog kantona Goražde.

Pozivaju se sva zainteresovana pravna i fizička lica da putem pismenog izjašnjenja dostave svoje eventualne primjedbe, prijedloge i sugestije po ovom predmetu, u roku od 15 (petnaest) dana od dana objavljivanja ove obavijesti na web stranici Vlade Bosansko-podrinjskog kantona Goražde, oglasnim pločama Ministarstva za privredu Bosansko-podrinjskog kantona Goražde, Općine Foča FBiH i MZ Cvilin, na adresu:

Ministarstvo za privredu Bosansko-podrinjskog kantona Goražde  
Ulica M. Tita broj 5  
73 000 Goražde



MINISTAR

Zijad Briga